

Inatsisartut suleriaasianni § 33 naapertorlugu aalajangiiffigisassatut siunnersuut manna matumuuna Naalakkersuisunit saqqummiunneqarpoq.

**Politiit Paasiniaasartui (PET) pillugit inatsisip Kalaallit Nunaanni atulersinneqarnissaa pillugu peqqussummut missingiummut Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

**Tunngavilersuineq**

Ullumikkut Kalaallit Nunaanni PET-ip suliassanik suliaqarnera pillugu immikkut inatsiseqanngilaq, taamaattumik taakku Justitsministeeriaqarfiup annerusumik PET-ip pisortaanut ilitersuutaatigut malittarisassaqaartinneqarput.

Politiit Paasiniaasartui (PET) Kalaallit Nunaanni sulisarnerat eqqarsaatigalugu aallaaviatigut polititit allatulli malittarisassat taakkununga atuuttut malittarisussaavaat taakkunatullu eqqartuussivinnit nakkutigineqarlutik.

Tamatuma saniatigut inunnik paasissutissanik suliarinnittarneq pillugu inatsisit nalinginnaasumik PET-imut atuutsinneqanngilaq, PET-llu inunnik paasissutissanik suliarinnittarneq taamaalilluni taamaallaat malittarisassanik inatsisinit ingerlatsinnermut tunngasunit aamma isummanik tunngaviusunik aalajangersaavigineqarluni.

2014-imi ulloq 1. januar Politiit Paasiniaasartui pillugit inatsit (PET pillugu inatsit) Danmarkimi atuutilersinneqarpoq. Tassani PET-ip sulineranik ataatsimoortumik ullutsinnullu naleqquttumik inatsisitigut malittarisassaqaalernissaq aamma inunnik paasissutissanik PET-ip suliarinninneranik nakkutilliinerup patajaallisarneqarnissaanut immikkut nakkutilliisussanik pilersitsinissaq, taannalu aqqutigalugu PET-imit inuit misissuiffigineqartut pillugit inatsisitigut isumannaatsuunerup qulakkeerneqarnissaanut peqataanissaa, siunertaasimavoq.

PET pillugu inatsit pingaarnertut sisamanik immikkoortoqarpoq:

1. PET-ip suliai pillugit inatsisitigut malittarisassiorneq, annermik ullumikkut PET-imit suliassanut isumagineqareersunut naapertuuttoq.
2. PET-ip paasissutissanik katersisarnera, pissarsisarnera, ingerlatitseqqittarneq paaasarneralu pillugit inatsisitigut malittarisassiorneq.
3. Isertortumik paasiniaasartunut nakkutilliisussanik arlaannaannulluunniit attuumassuteqanngitsumik pilersitsineq.
4. PET-imi paasissutissanik paasisaqarnissamut periarfissaqarneq.

Justitsministeeriaqarfiup suliassaqarfiani ministeeriaqarfiup Kalaallit Nunaannut inatsisit pillugit ingerlaavartumik nutarterineranut atatillugu PET pillugu inatsisip Kalaallit Nunaannut atulersinnissaa pillugu peqqussummut missingiummut namminersorlutik Oqartussat akuersinissaat pillugu inatsisartut aalajangiiffigisassaattut siunnersuut

PET pillugu inatsit kalaallit nunaanni pissutsit pissutigalugit allangortinneqarluni Kalaallit Nunaannut atulersinneqassasoq missingiummi inassutigineqarpoq.

**Naalakkersuisut inatsisissatut siunnersuummut oqaaseqaataat**

Politiit Paasiniaasartui (PET) pillugit inatsisip Kalaallit Nunaanni atulersinneqarnissaa pillugu peqqussut Kalaallit Nunaanni inatsisinik atuutsitsinermut suliaasaqarfimmi inatsisinik nutarterineq Justitsministeeriaqarfiup Isumaginninnermut Inatsisinillu Atuutsitsinermut Naalakkersuisoqarfiullu suleqatigiinneranut ilaavoq, taamaalilluni tamanna qallunaat pitsaassuseqartitsineranut naleqqutilissalluni.

Politiit Paasiniaasartui (PET) pillugit inatsisip Kalaallit Nunaannut atulersinneqarnissaa pillugu Peqqussummi malittarisassaliorneq aalajangersarneqartoq annerusumik PET-ip ullumikkut Kalaallit Nunaanni suliarisartagaasa assigaat. Paasiniaasartut Kalaallit Nunaanni sulineranni sulinerannullu atugassarititaasut pillugit pisariaqartinneqartumik isertuannngitsumik pissuseqarnissaq aamma nakkutiginnissinnaaneq, inatsisip qulakkiissallugu taamaallaat siunertaraa.

Inuit inatsisit malillugit politikikkut suliaqartarnerat pillugu PET-ip paasissutissanik ullumikkut suliarinnittarneranut naleqqiullugu siunnersuut annertusisitsinaviannngitsaq nalilerneqarmat erseqqissaatigineqassaaq.

**Aningaasarsiornikkut allaffissornikkullu pisortanut kingunerisassat**

Soqanngilaq.

**Aningaasaqarnikkut allaffissornikkullu namminersorlutik inuussutissarsiutilinnut kingunerisassat**

Soqanngilaq.

**Innuttaasunut aningaasaqarnikkut allaffissornikkullu kingunerisassat**

Soqanngilaq.

**Tusarniaaneq**

Siunnersuut Aningaasaqarnermut Naalakkersuisoqarfimmi, Akileraartarnermut Aqutsisoqarfimmi aamma Digitalimik Sullissinermut Aqutsisoqarfimmi tusarniutigineqarsimavoq, kingullertut taaneqartoq Ilinniartitaanermut, Kultureqarnermut Ilageeqarnermullu Naalakkersuisoqarfik aqutigalugu.

Peqqussummi § 15, imm. 1-imi siunnersuutigineqartutut akissarsiat akileraarusersunnginnissaat pillugu kalaallit nunaanni akileraartarnermi inatsisini maannakkut aalajangersagaqanngilaq. Taamaattumik Justitsministeeriaqarfiup tusarniaaneq pillugu allakkiamini tunngaviup taassuma ingerlateqqinnissaanut kalaallit nunaanni inatsisini malittarisassat aalajangersarneqarnissaat Naalakkersuisunut kaammattuutigivaat. Taamaattumik Aningaasaqarnermut Naalakkersuisoqarfimmit akileraartarnermik inatsimmi aamma procenti aaqqiissutissaq aamma maannakkorpiaq aningaasarsiat pillugit Inatsisartut inatsisaanni ilaatitsinnginnissamut siunnersuutinut atatillugu siunnersuut isigineqassaaq, tassani siunertarineqarluni aalajangersakkat pisariaqartut kalaallit nunaanni akileraartarnermi inatsisinut ilanngunneqarnissaat, taamaalilluni akissarsiat PET-imit akilerneqartut pillugit oqaatigeqqusinnngineq qulakkeerneqassalluni. PET pillugu aalajangersakkap taamaaqataa

14.08.2019

UKA 2019/149

peqqussummit peerneqarpoq, tassami akileraartarnermut suliassaqarfik isumaginnittoqarfillu suliassaqarfiummata tiguneqareersut.